

# ALV-kongres 2025: Oproep om referate

## Afrikaanse en Nederlandse taalkundiges en Afrikaanse en Nederlandse letterkundiges

<https://plan2join.com/alv2025/>



AFRIKAANSE LETTERKUNDEVERENIGING

**10-12 September 2025**

**Universiteit van die Vrystaat, Bloemfontein**

**Kongrestema: Kanon en Kantlyn in die**

**Afrikaanse taal- en letterkunde.**

Voorstelle vir bydraes tot die 21ste hoofkongres van die nuutgestigte Afrikaanse Letterkundevereniging word met entoesiasme ingewag. Op die algemene ledevergadering van 3 Februarie 2025 is besluit om die vereniging se naam en konstitusie te verander om ook taalkunde in te sluit.

Met die vorige kongres in 2023 in Gqeberha het taalkundiges aansienlike waarde tot die kongres toegevoeg. 'n Lede-opname onder die aanwesiges en ALV-lede (na afloop van die 2023-kongres) het met 'n groot meerderheid getoon dat die proeflopie van 2023 geformaliseer moet word en daarom word Afrikaanse taalkundiges, in die wydste sin van die woord, hiermee genooi om deel te neem aan die kongres wat van **10-12 September 2025** deur die Universiteit van die Vrystaat in Bloemfontein aangebied word.

Op die ledevergadering by hierdie kongres sal wysigings aan die grondwet gefinaliseer word en 'n nuwe gekombineerde bestuur (taal- en letterkunde) en redaksie van *Stilet* gekies word.

Die kongres vind in Bloemfontein plaas wat geografies sentraal in Suid-Afrika is en simbolies gesien word as die hart van Suid-Afrika – dit bied die ideale ruimte vir die gesprek oor kanoniserings en literêre insluiting. Onder die tema “**Kanon en Kantlyn**” beoog die kongres om die tradisionele teenstelling tussen sentrum en periferie te herbedink. Tegnologiese vooruitgang, globale emigrasiepatrone en die kritiese bevraagtekening van literêre standaarde het daartoe gelei dat die grense tussen sentrum en periferie al hoe vloeibaarder

raak. Trouens, 'n enkele letterkunde of teks kan gelyktydig in die sentrum én op die periferie funksioneer – afhangende van die perspektief wat gebruik word om dit te interpreteer. Hierdie dinamiese verhouding skep geleenthede om gevestigde aannames te heroorweeg en nuwe maniere te vind om literêre waarde, invloed en relevansie te verstaan.

Die Universiteit van die Vrystaat wat geografies tussen die kulturele invloede van die Kaap en die Noorde val, dien as ideale (fisieke) ruimte om te besin oor die dinamika van en wisselwerking tussen sentrum en periferie in die **Afrikaanse en Nederlandse letterkunde en taalkunde**.

Die organiseerders is baie opgewonde oor dié historiese geleentheid in Bloemfontein en die kongresprogram belooft om 'n paar **aangename verrassings** in te sluit. Meer besonderhede gaan in 'n later stadium gekommunikeer word.

Die kongres begin met die Christo van Rensburg-gedenklesing wat hierdie jaar deur prof. Elvis Saal gelewer sal word. Daar sal ook drie paneelbesprekings wees met kundiges en kenners vanoor die hele land. Musiekuitvoerings, 'n filmvertoning en allerlei gesellighede word beplan. Vir die paneelbespreking oor gedeelde doseerlading doen ons graag 'n kort bestekopname ten einde 'n konkrete gespreksuitkoms te bewerkstellig. Vind die skakel hieronder:

**Drie paneelgesprekke word georganiseer waartoe die paneellede reeds ingestem het:**

- Vrydag 12 September (voor die ledevergadering)

**Gedeelde doseerkundigheid** - Angelique van Niekerk, sameroeper

<https://forms.gle/hJLWB136THC3in4w6> (vooraf-opname teen 11 Julie 2025)

- Donderdag 11 September

**Dosering van Kreatiewe Skryfkuns** - Henning Pieterse, sameroeper

- Woensdag 10 September

**Standaard en variëteit** - Francois Smith, sameroeper

Referate in **Afrikaans en Nederlands** word verwelkom.

Dit is 'n omvangryke tema wat ruimte bied vir wydlopende en uiteenlopende onderwerpe (wat nie beperk is tot die onderstaande nie):

- ❖ Kanoniserings
- ❖ Sentrum vs. periferie, beide letterlik en figuurlik verstaan
- ❖ Hoë en lae/populêre kultuur
- ❖ Nuwe perspektiewe op vergete skrywers
- ❖ Suid-Afrikaanse literatuur op die kantlyn van die Nederlandse kanon; Nederlandse literatuur op die kantlyn van die Afrikaanse kanon
- ❖ Insluiting en uitsluiting
- ❖ Standaard vs. variëteit, ook wat literêre tekste betref
- ❖ Kaaps en Oranjerivierafrikaans
- ❖ (Her)standaardisering
- ❖ Taalonderrig en -aanleer
- ❖ Hoe oud is Afrikaans?
- ❖ Taal en mag – wie word gehoor en wie word uitgesluit?
- ❖ Taalverskuiwing
- ❖ Marginalisering van (Afrika)tale in die openbare ruimte
- ❖ Die invloed van stedelike migrasie op perifere tale
- ❖ Sosiale media as platform vir perifere tale

### **Voorlegging van referaatvoorstelle**

Voorstelle vir referate van ongeveer 300 woorde word ingewag tot en met **30 April 2025**.

Referaatvoorstelle moet die volgende inligting bevat:

- Titel van die referaat
- Naam van die bydraer(s)
- E-pos-adres van die bydraer(s)
- Affiliasie

Stuur alle ander korrespondensie aan [ALV2025@ufs.ac.za](mailto:ALV2025@ufs.ac.za)

Versprei asseblief die kongresuitnodiging ook aan taalkundiges en letterkundiges in jou netwerk!

Kongrestariewe:

R 2 500 (Kongres)

R 2 850 (Kongres en aandfunksies)

R 1 250 (Kongres: Nagraadse studente)

R 1 600 (Kongres en aandfunksies: Nagraadse studente)

**Kongres-bankbesonderhede:**

Die Afrikaanse Letterkundevereniging

ABSA

Tjekrekening 10174260

Takkode 632005

Stuur asseblief 'n bewys van betaling aan [ALV2025@ufs.ac.za](mailto:ALV2025@ufs.ac.za)

Die **kongreswebblad sal teen 20 Maart 2025** aktief wees. Besonderhede oor registrasie, verblyfopsies, program, ens. sal daar beskikbaar wees. Doen gerus navraag by: [ALV2025@ufs.ac.za](mailto:ALV2025@ufs.ac.za)

Opdateer op 17 Maart 2025